


ZAVOD ZDRAVSTVENOG OSIGURANJA

KANTONA SARAJEVO

UL. LOŽIONIČKA BR. 2

041


26.05.16.

Jb.

**PRAVILNIK O ODOBRAVANJU NOVČANIH POMOĆI
OSIGURANIM LICIMA ZAVODA ZDRAVSTVENOG OSIGURANJA
KANTONA SARAJEVO**

Sarajevo, 2016. godine

Na osnovu članova 99. stav 10. i 103. Zakona o zdravstvenom osiguranju ("Službene novine Federacije BiH" broj: 30/97, 07/02, 70/08 i 48/11) i člana 17. Statuta Zavoda zdravstvenog osiguranja Kantona Sarajevo („Službene novine Kantona Sarajevo" br. 4/00, 18/02, 30/08, 1/12 i 15/13), Upravni odbor Zavoda na 3. sjednici održanoj 20.05.2016. godine, donosi

P R A V I L N I K
o odobravanju novčanih pomoći osiguranim licima Zavoda zdravstvenog osiguranja Kantona Sarajevo

I OPŠTE ODREDBE

Član 1.

Ovim Pravilnikom se regulišu uslovi, način i postupak ostvarivanja prava na novčanu pomoć za liječenje van ugovornih zdravstvenih ustanova ili u inostranstvu, nabavku specifičnih ortopedskih i drugih pomagala, kao i produženog bolničkog liječenja osiguranim licima Zavoda zdravstvenog osiguranja Kantona Sarajevo (u daljem tekstu: osigurana lica Zavoda), a u skladu sa Zakonom o zdravstvenom osiguranju ("Službene novine Federacije BiH" br. 30/97, 07/02 , 70/08 i 48/11), Uredbom o obimu, uvjetima i načinu ostvarivanja prava osiguranih lica na korišćenje ortopedskih i drugih pomagala, endoproteza, stomatološko-protetske pomoći i stomatološko-protetskih nadomjestaka ("Službene novine Kantona Sarajev", br. 38/07, 29/08 i 40/14) i Statutom Zavoda zdravstvenog osiguranja Kantona Sarajevo ("Službene novine Kantona Sarajevo" br. 4/00, 18/02, 30/08, 1712 i 15/13).

II KORISNICI NOVČANE POMOĆI

Član 2.

Korisnici novčanih pomoći su osigurana lica Zavoda zdravstvenog osiguranja Kantona Sarajevo (u daljem tekstu: Zavod) koji svoj status dokazuju ovjerenom zdravstvenom legitimacijom.

Osiguranim licima Zavoda može se odobriti novčana pomoć na osnovu podnesenog zahtjeva i dokumenata kojima dokazuju da su teško bolesni i da se liječenje mora nastaviti izvan zdravstvene ustanove sa kojom Zavod ima zaključen ugovor ili u inostranstvu, osiguranim licima koji imaju potrebu za ortopedskim pomagalima koja nisu uvrštena u jedinstvenu listu medicinskih sredstava, endoproteza i stomatološko-protetskih sredstava Uredbe o obimu, uvjetima i načinu ostvarivanja prava osiguranih lica na korišćenje ortopedskih i drugih pomagala, endoproteza, stomatološko-protetske pomoći i stomatološko-protetskih nadomjestaka ("Službene novine Kantona Sarajev", br. 38/07, 29/08 i 40/14) (u daljem tekstu: Uredba), kao i osiguranim licima koji u medicinski opravdanim slučajevima imaju potrebu za dodatnom medicinskom rehabilitacijom kao produženim bolničkim liječenjem.

III KRITERIJI ZA ODOBRAVANJE NOVČANE POMOĆI I VISINA

1. Liječenje van ugovornih zdravstvenih ustanova ili u inostranstvu

Član 3.

Pravo na novčanu pomoć za liječenje van ugovornih zdravstvenih ustanova ili u inostranstvu, imaju osigurana lica Zavoda na osnovu konzilijarnog mišljenja odgovarajuće klinike UKC Sarajevo, kada su iscrpljene sve uobičajene terapijske procedure i mogućnosti, a postoji prijetnja daljeg ugrožavanja zdravlja.

Konzilijarno mišljenje nadležne klinike ne može biti starije od šest mjeseci.

Pravo na novčanu pomoć van ugovornih zdravstvenih ustanova ili u inostranstvu, imaju osigurana lica Zavoda ukoliko od liječenja do podnošenja zahtjeva za novčanom pomoći nije prošlo više od tri mjeseca.

Novčana pomoć za liječenje van ugovornih zdravstvenih ustanova ili u inostranstvu je u maksimalnom iznosu do 10.000,00 KM.

O zahtjevu za novčanom pomoći veće vrijednosti od iznosa iz prethodnog stava, odlučuje Upravni odbor Zavoda.

Pravo na novčanu pomoć osigurana lica ostvaruju ukoliko se to pravo ne može ostvariti iz sredstava Federalnog fonda solidarnosti, što dokazuju potvrdom Federalnog zavoda zdravstvenog osiguranja i reosiguranja.

2. Novčana pomoć za nabavku specifičnih ortopedskih i drugih pomagala

Član 4.

Osigurana lica imaju pravo na novčanu pomoć, pod uslovima utvrđenim ovim Pravilnikom za nabavku specifičnih ortopedskih i drugih medicinskih sredstava, endoproteza, stomatološko – protetske pomoći i stomatološko – protetskih nadomjestaka koja nisu uvrštena u jedinstvenu listu medicinskih sredstava, endoproteza i stomatološko-protetskih sredstava, u iznosu cijene pomagala, a najviše do 10.000,00 KM.

Novčana pomoć za nabavku specifičnih ortopedskih i drugih medicinskih sredstava, endoproteza, stomatološko – protetske pomoći i stomatološko – protetskih nadomjestaka koja su uvrštena u jedinstvenu listu medicinskih sredstava, endoproteza i stomatološko-protetskih sredstava može se odobriti najviše do iznosa cijene koju plaća Zavod za predmetno medicinsko sredstvo.

Odobrena novčana sredstva za nabavku specifičnih ortopedskih pomagala uplaćuju se na račun osiguranog lica na osnovu priloženog kasa računa ili virmanske uplatnice kao dokaz da je osigurano lice samo platilo traženo pomagalo.

3. Pomoć za medicinsku rehabilitaciju kao produženo bolničko liječenje

Član 5.

Osigurana lica imaju pravo na novčanu pomoć kada u medicinski opravdanim slučajevima imaju potrebu za dodatnom medicinskom rehabilitacijom kao produženim bolničkim liječenjem, na osnovu konzilijarnog mišljenja odgovarajuće zdravstvene ustanove u

Kantonu Sarajevo, kada se ukaže potreba nakon uobičajene terapijske procedure kao nedovoljne, uz prijetnju daljeg ugrožavanja zdravlja.

Konzilijarno mišljenje odgovarajuće zdravstvene ustanove u Kantonu Sarajevo je osnova za izdavanje novog prijedloga za upućivanje na produženo bolničko liječenje.

Odobrena sredstva za dodatnu medicinsku rehabilitaciju u sklopu produženog bolničkog liječenja će se isplaćivati na teret pozicije "troškovi medicinske rehabilitacije", a po dostavljenom računu zdravstvene ustanove sa kojom Zavod ima zaključen ugovor o pružanju usluga liječenja fizikalne medicine i rehabilitacije stacionarnog i ambulantnog tipa.

IV POSTUPAK ZA OSTVARIVANJE PRAVA I NADLEŽNOSTI

Član 6.

Zahtjevi za novčanu pomoć dostavljaju se lično ili poštom na adresu Zavoda ili Poslovnice Zavoda.

Član 7.

Uz zahtjev za dodjelu novčane pomoći za liječenje van ugovornih zdravstvenih ustanova ili u inostranstvu, osigurana lica su dužna dostaviti sljedeću dokumentaciju:

- kopiju ovjerene zdravstvene legitimacije,
- otpusno pismo ili nalaz, mišljenje ljekara specijaliste/subspecijaliste, odnosno medicinsku dokumentaciju kojom dokazuje tešku bolest koju treba liječiti;
- konzilijarno mišljenje o potrebi odlaska na liječenje u zdravstvenu ustanovu sa kojom Zavod nema zaključen ugovor ili inostranstvo, ovjereno od strane generalnog direktora odgovarajuće zdravstvene ustanove;
- ovjerenu kopiju računa za pružene zdravstvene usluge u BiH ili u inostranstvu;
- naziv banke i broj računa na koji će se izvršiti uplata pomoći;
- po potrebi i druge dokaze iz kojih se vidi opravdanost zahtjeva.

Član 8.

Uz zahtjev za dodjelu novčane pomoći za specifično ortopedsko i drugo medicinsko sredstvo, endoproteza, stomatološko – protetske pomoći i stomatološko – protetskih nadomjestaka koja nisu uvrštena u jedinstvenu listu medicinskih sredstava, endoproteza i stomatološko-protetskih sredstava, osigurana lica su dužna dostaviti sljedeću dokumentaciju:

- kopiju ovjerene zdravstvene legitimacije;
- otpusno pismo ili nalaz, mišljenje ljekara specijaliste/subspecijaliste, odnosno medicinsku dokumentaciju kojom dokazuje potrebu za specifičnim ortopedskim pomagalom;
- kasa račun ili virmansku uplatnicu;
- naziv banke i broj računa na koji će se izvršiti uplata pomoći;
- po potrebi i druge dokaze iz kojih se vidi opravdanost zahtjeva.

Novčanu pomoć po ovom Pravilniku ne mogu ostvariti osigurana lica koje su u zahtjevu i priloženoj dokumentaciji prikrili ili dali netačne podatke i dokumente.



Član 9.

Uz zahtjev za dodjelu pomoći pri medicinskoj rehabilitaciji kao produženom bolničkom liječenju, osigurana lica su dužna dostaviti slijedeću dokumentaciju:

- *kopiju ovjerene zdravstvene legitimacije,*
- *otpusno pismo ili nalaz, mišljenje ljekara specijaliste/subspecijaliste, odnosno medicinsku dokumentaciju kojom dokazuje tešku bolest koju treba liječiti;*
- *konzilijarno mišljenje odgovarajuće zdravstvene ustanove u Kantonu Sarajevo o potrebi nastavka medicinske rehabilitacije kao produženog bolničkog liječenja i nakon što je osigurano lice iskoristilo to pravo na teret Zavoda, ovjereno od strane direktora odgovarajuće zdravstvene ustanove;*
- *po potrebi i druge dokaze iz kojih se vidi opravdanost zahtjeva.*

Član 10.

Zahtjev za novčanom pomoći razmatra Komisija za odobravanje pomoći za liječenje u inostranstvu, nabavku medicinskih pomalagala, liječenje van ugovornih zdravstvenih ustanova i za medicinsku rehabilitaciju na osnovu medicinskih indikacije i preporuke ovlaštenih ljekara (u daljem tekstu Komisija).

Komisija iz stava 1. ovog Pravilnika daje prijedlog na osnovu kojeg Direktor Zavoda donosi Odluku o pomoći.

Komisija iz st. 1. se formira u skladu sa Pravilnikom o imenovanju članova Komisija Zavoda zdravstvenog osiguranja Kantona Sarajevo.

U posebnim i hitnim slučajevima, Direktor Zavoda može donijeti odluku o pomoći u iznosu od najviše 10.000,00 KM pod uslovom da za isti postoji medicinski indicirana opravdanost, uz relevantnu medicinsku dokumentaciju kojim se isto potvrđuje.

Član 11.


Sjednice Komisije se održavaju po potrebi, a najmanje jednom mjesečno, osim u slučajevima kada nema zaprimljenih predmeta za razmatranje.

Komisija utvrđuje:

- *kompletnost priložene dokumentacije i otklanjanje uočenih nedostataka i eventualnih dopuna;*
- *u slučaju potrebe vrše neposrednu provjeru dostavljenih dokumenata;*
- *daju prijedlog o odobravanju ili odbijanju zahtjeva, kao i o visini sredstava.*

Član 12.

Ukoliko osigurano lice Zavoda - podnositelj zahtjeva, nije dostavilo svu potrebnu dokumentaciju, Komisija će zatražiti dopunu nedostajuće dokumentacije koju je osigurano lice dužno dostaviti u roku od 7 dana od dana prijema obavijesti.

 U suprotnom, ukoliko traženu dokumentaciju osigurano lice ne dostavi u ostavljenom roku, smatrat će se da zahtjev nije niti podnesen, o čemu će se donijeti poseban zaključak, a u skladu sa odredbama člana 67. Zakona o upravnom postupku ("Službene novine FBiH", br. 2/98, 48/99).

Član 13.

Komisija iz člana 10. ovog Pravilnika vodi evidenciju o broju zaprimljenih zahtjeva po dijagnozama, broju odobrenih i odbijenih zahtjeva, državama i zdravstvenim ustanovama u kojima su pružene zdravstvene i dijagnostičke usluge, nazivu ortopedskih i drugih medicinskih sredstava, endoproteza, stomatološko – protetske pomoći i stomatološko – protetskih nadomjestaka koja nisu uvrštena u jedinstvenu listu medicinskih sredstava, endoproteza i stomatološko-protetskih sredstava, te ortopedskim kućama u kojima su izdata pomagala.

Komisija i direktor Zavoda u okviru svojih nadležnosti su dužni Upravnom odboru dostavljati mjesečne izvještaje o utrošku i svrsi odobrenih novčanih sredstava.

Član 14.

O pravima utvrđenim ovim Pravilnikom u prvom i drugom stepenu odlučuje se u skladu sa Pravilnikom o imenovanju članova Komisija Zavoda zdravstvenog osiguranja Kantona Sarajevo.

Član 15.

Sredstva potrebna za novčane pomoći osiguranim licima Zavoda odobravaju se ukoliko su ista predviđena Finansijskim planom Zavoda.

V PRELAZNE I ZAVRŠNE ODREDBE

Član 16.

Svi zaprimljeni a nerješeni zahtjevi do dana stupanja na snagu ovog Pravilnika riješit će se po odredbama ovog Pravilnika.

Član 17.

Ovaj Pravilnik stupa na snagu danom donošenja.


V.D. PREDSEDNIK UPRAVNOG ODBORA
SARAJEVO
Hamid Milak dipl.oec.

Broj: UO/06 – 4 – E.LJ. – 11531/16
Sarajevo, 20.05.2016. godine.

**ZAVOD ZDRAVSTVENOG OSIGURANJA
KANTONA SARAJEVO
UL. LOŽIONIČKA BR. 2**



**PRAVILNIK O IZMJENAMA I DOPUNAMA
PRAVILNIKA O ODOBRAVANJU NOVČANIH POMOĆI
OSIGURANIM LICIMA ZAVODA ZDRAVSTVENOG
OSIGURANJA KANTONA SARAJEVO**

Sarajevo, oktobar 2016. godine

18.10.16
18.10.16
18.10.16

18.10
18.10
18.10

18.10.16

20.10.2016

EA

Na osnovu članova 99. stav 10. i 103. Zakona o zdravstvenom osiguranju ("Službene novine Federacije BiH" broj: 30/97, 07/02, 70/08 i 48/11) i člana 17. Statuta Zavoda zdravstvenog osiguranja Kantona Sarajevo („Službene novine Kantona Sarajevo" br. 4/00, 18/02, 30/08, 1/12 i 15/13), Upravni odbor Zavoda na 3. sjednici održanoj 14.10.2016. godine, donosi:

**PRAVILNIK O IZMJENAMA I DOPUNAMA
PRAVILNIKA O ODOBRAVANJU NOVČANIH POMOĆI OSIGURANIM LICIMA
ZAVODA ZDRAVSTVENOG OSIGURANJA KANTONA SARAJEVO**

Član 1.

U članu 3. stav 3. Pravilnika o odobravanju novčanih pomoći osiguranim licima Zavoda zdravstvenog osiguranja Kantona Sarajevo broj: UO/06-4-E.LJ.-11531/16 od 20.05.2016. godine riječi „tri mjeseca" zamjenjuju se riječima „šest mjeseci".

Član 2.

U članu 3. briše se stav 5. i dodaje se novi stav koji glasi:
„Odobrena novčana sredstva za liječenje van ugovornih zdravstvenih ustanova ili u inostranstvu uplaćuju se na račun osiguranog lica na osnovu priloženog kasa računa ili virmanske uplatnice kao dokaz da je osigurano lice samo platilo traženo sredstvo."

Član 3.

U članu 5. stav 1. i 2. i članu 9. stav 1. tačka 3. riječi „konzilijarno mišljenje odgovarajuće zdravstvene ustanove u Kantonu Sarajevo" zamjenjuju se riječima „preporuke ordinirajućeg ljekara ili ovlaštenog ljekara Zavoda" i glase u odgovarajućem padežu.

Član 4.

Član 10. stav 4. mijenja se i glasi:
„U posebnim ili hitnim slučajevima za koje se na osnovu raspoložive medicinske dokumentacije indicira medicinska opravdanost za odobravanjem novčane pomoći, Direktor Zavoda je ovlašten bez prijedloga Komisije, donijeti odluku o novčanoj pomoći najviše do iznosa od 10.000,00 KM."

U članu 10. dodaje se stav 5. koji glasi:

„U posebnim ili hitnim slučajevima za koje se na osnovu raspoložive medicinske dokumentacije indicira medicinska opravdanost za odobravanjem novčane pomoći, Upravni odbor Zavoda je ovlašten donijeti odluku o novčanoj pomoći do iznosa od 10.000,00 KM i preko iznosa od 10.000,00 KM."

Član 5.

Ovaj Pravilnik o izmjenama i dopunama Pravilnika o odobravanju novčanih pomoći osiguranim licima Zavoda zdravstvenog osiguranja Kantona Sarajevo stupa na snagu danom donošenja.

U dijelu koji nije izmjenjen odredbama ovog akta, ostaje na snazi i primjenjuje se Pravilnika o odobravanju novčanih pomoći osiguranim licima Zavoda zdravstvenog osiguranja Kantona Sarajevo broj: UO/06-4-E.LJ.-11531/16 od 20.05.2016. godine.



Broj: UO/06 – 5.1 – N.H. – 28333/16
Sarajevo, 14.10.2016. godine

**BOSNA I HERCEGOVINA
FEDERACIJA BOSNA I HERCEGOVINE
KANTON SARAJEVO
ZAVOD ZDRAVSTVENOG OSIGURANJA
UPRAVNI ODBOR**

**PRAVILNIK O IZMJENAMA I DOPUNAMA
PRAVILNIKA O ODOBRAVANJU NOVAČANIH POMOĆI
OSIGURANIM LICIMA ZAVODA ZDRAVSTVENOG
OSIGURANJA KANTONA SARAJEVO**

Sarajevo, juli 2019. godine

Na osnovu člana 103. Zakona o zdravstvenom osiguranju (Službene novine FBiH“ br. 30/97, 7/02, 70/08, 48/11 i 36/18), te člana 17. Statuta Zavoda zdravstvenog osiguranja Kantona Sarajevo („Službene novine Kantona Sarajevo“ br. 4/00, 18/02, 30/08, 1/12 i 15/13), Upravni odbor Zavoda na 3. sjednici održanoj 30.07.2019. godine, donosi

**PRAVILNIK O IZMJENAMA I DOPUNAMA
PRAVILNIKA O ODOBRAVANJU NOVAČANIH POMOĆI
OSIGURANIM LICIMA ZAVODA ZDRAVSTVENOG OSIGURANJA
KANTONA SARAJEVO**

Član 1.

U članu 10. Pravilnika o odobravanju novčanih pomoći osiguranim licima Zavoda zdravstvenog osiguranja Kantona Sarajevo (broj: UO/06 – 4 – E.LJ. – 11531/16 od 20.05.2016. godine i broj: UO/06 – 5.1 – N.H. – 28333/16 od 14.10.2016. godine) (u daljem tekstu Pravilnik) brišu se stavovi 4. i 5.

Član 2.

Ovaj Pravilnik o izmjenama i dopunama Pravilnika o odobravanju novčane pomoći osiguranim licima Zavoda zdravstvenog osiguranja Kantona Sarajevo stupa na snagu danom donošenja. Ostale odredbe Pravilnika iz člana 1. ostaju na snazi.



Broj: 01 – 03 – UO – 9 – 29500/19
Sarajevo, 30.07.2019. godine

Dostaviti:

- Direktor;
- Interna revizija;
- Sektor za opšte, pravne i kadrovske poslove;
- Sektoru za ekonomiku i finansiranje;
- Sektor za medicinske i farmaceutske poslove x2;
- Komisija za pomoć;
- a/a UO x2;
- a/a.